

# Kangirhitjutikhaq

## Cryptosporidiosis

### Hunaukmat Cryptosporidiosis?

Cryptosporidios aaniarutauyuq piyuq quipilrumit taiyauyuq *Cryptosporidium parvum-mik*. Tamna quipilruq ittut ingaluamikni inuup huratjanillu qaangiutivaktut annaqmiknit. Tamna quipilruq tuquttaulimaittuq naptuyumik hilalrutiqaramik.

### Hunaukmata naunaitkutingit?

Ilangit inuit naunaitkutaittut. Taimaa naunaitkutingit naunaiqqat, pivaktut atauhiqmi 10mut ublunik quipilrunikkaangat. Naunaitkutilluangit itiktalaqigumi, aqiaruqliulirumi, kitjakkumiluuniit.

### Kitkut aaniarutittaaqtut?

Kinaliqaak iigumiitjuk quipilruq aanialaqiniaqtuq. Aanialaqillaqtauyut hapkuat:

- Nutaqqat nutaqqiqivikmi ittut.
- Inuit munariyt inuknik Cryptosporidiosis-qaqtunik.
- Inuit aquiyutaatlanut nunanut.
- Inuit ihikaallakkumik imaqmik naluktillutik naluuyaqvikmi, tahiraqmi, kuugalaaqmi, kuukkami tahiqmilu.

### Qanuqtut inuk aaniarutittaaqtaa?

Tamna quipilruq takunnaqtuq niqini, imaqmi halumailrumiluuniit inukmit huratjamit anaqaqtuq *Cryptosporidium-mik*. Inuk aanialaqivaktuq nirigaangat imaqturaangalluuniit quipilruqaqtumik. Tamna quipilruq hiamitiqpaktuq aallanut nuliaqtillunilu.

### Hunaukmat havautikhangit?

Amihut naamakhiinapaktut havautitungittumik. Inuit aallanik aaniaqtuqaqqat (ukunatitut, HIV-qaqtunik kaansaqaqtutluuniit havautituqtut) akhuraalukmik naunaitkutiqarniaqtut. Uqaqatigilugu munarhit kitut havautit ihariagiyat.

### Qanuqtut hiamitiqnairutinga?

- Uaqpaklugit algaktit tamaat quuyaqturuiraguvit niritinnatillu kaharahuaruvillu niqinik.
- Uaqlugit halumayumik imaqmik tamaita ahiat nunamillu nauhimayut, uaqluaqpaklugit tahapkuat uunnahuangitatit.
- Niuqqaruiqlutit ulapqiviup imanganik (ukunatitut; naluuyaqvikmit, timimut uaqvikmit, tahiraqmit, tahiqmit kuukkamitluuniit ).
- Imaqturahuaruvit tahiqmit kuukkamitluuniit, purriqpaklugit imaq taimaa naunairiami nakuuyuyuq imiriami.
- Naluuyaruiqlutit naluuyarvikmut itiktalaqiguvit, aggitihuqlugit makqaqhimagayut nutaqqat naluuyarvikmut itiktalaqihimakpata.
- Malikpaklugit qayangnaittut niqit imaqlu maligangit aquiliraiguvit aatlanut nunamut.

